



DASAR KESELAMATAN DAN KESIHATAN PEKERJAAN

IBU PEJABAT JABATAN PERHUTANAN SEMENANJUNG MALAYSIA

Adalah menjadi dasar **Ibu Pejabat Jabatan Perhutanan Semenanjung Malaysia** untuk menyediakan persekitaran kerja yang selamat dan sihat untuk semua pekerjaanya dan orang-orang lain yang mungkin terjejas oleh aktiviti-aktiviti yang berkaitan dengan Pengurusan dan Pemeliharaan Hutan.

Pihak pengurusan dan pekerja akan sama-sama berusaha untuk mencapai matlamat dan objektif-objektif dasar ini melalui rundingan dan kerjasama.

Khususnya, dasar Jabatan ialah:

- ❖ Untuk menyediakan dan menyenggara sistem kerja yang selamat kepada pekerja dan orang-orang lain yang berada di premis-premis IPJPSM;
- ❖ Untuk bersama mengurus penyenggaraan tempat, kemudahan dan peralatan yang menjamin keselamatan dan kesihatan pekerjaan supaya ia tidak menimbulkan bencana keselamatan dan kesihatan di tempat kerja;
- ❖ Untuk memberi maklumat, arahan, latihan dan penyeliaan kepada semua pekerja mengenai cara untuk menjalankan tugas dengan selamat dan tanpa risiko kepada keselamatan dan kesihatan;
- ❖ Untuk menyiasat dan melaporkan semua kemalangan, penyakit, keracunan dan kejadian berbahaya di premis kerja serta mengambil langkah-langkah untuk memastikan kejadian-kejadian tersebut tidak berulang lagi;
- ❖ Untuk mematuhi kehendak-kehendak perundangan dan lain-lain keperluan mengenai keselamatan dan kesihatan pekerjaan;
- ❖ Menetapkan sasaran objektif keselamatan dan kesihatan pekerjaan dan merancang program-program ke arah pencapaian objektif tersebut;
- ❖ Untuk menyediakan kemudahan-kemudahan kebajikan bagi semua pekerja; dan
- ❖ Untuk mengkaji semula dasar ini dan Sistem Pengurusan Keselamatan dan Kesihatan Pekerjaan apabila perlu.

Jabatan yakin bahawa keselamatan dan kesihatan mestilah diintegrasikan ke dalam aktiviti-aktiviti harian kita dan membudayakan cara kerja yang selamat dan sihat adalah faktor utama ke arah memastikan kejayaan misi Jabatan.

DATO' MOHD RIDZA BIN AWANG
KETUA PENGARAH
JABATAN PERHUTANAN SEMENANJUNG MALAYSIA

TARIKH : 10 SEPTEMBER 2019